

I. februar 2023. godine

Poziv za dostavljanje prijava

Novi Projekat pomoći lokalnoj upravi (LGAA eng. Local Governance Assistance Activity) u Bosni i Hercegovini (BiH) je petogodišnji program pomoći koji finansira Američka agencija za međunarodni razvoj (USAID). Cilj Projekta je pružanje pomoći partnerskim jedinicama lokalne samouprave (JLS) da postanu efikasnije, transparentnije i odgovornije u pružanju javnih usluga građanima i poslovnim subjektima te da jačaju vlastite kapacitete za ispunjavanje društveno-ekonomskih potreba svojih zajednica.

LGAA će pružati višegodišnju tehničku pomoć i razvijati kapacitete s ciljem podrške partnerskim JLS da bolje planiraju, upravljaju i poboljšaju kvalitet usluga javne uprave, podstaknu održivi lokalni razvoj, te povećaju transparentnost i odgovornost građana i poslovnih subjekata. Konkretnije, podrška može da sadrži izradu planova održivosti za podršku javno-privatnom partnerstvu (JPP), lokalnom ulaganju i sl., omogućavanje pristupa fondovima EU kao što je IPA te drugim mogućnostima finansiranja iz donatorskih sredstava, pružanje neophodnog znanja, ekspertize i obuke po potrebi, i sl. Osim toga, odabrane jedinice lokalne samouprave će moći da ostvare pravo na skromnu pomoć za nabavku IKT programa i opreme, neophodnih za unapređenje rada te kvalitetnije planiranje i upravljanje ekonomskim rastom i lokalnim razvojem.

LGAA će pružiti podršku partnerskim jedinicama lokalne samouprave u sljedećim oblastima:

- **Jačanje kapaciteta JLS za pružanje transparentnih, odgovornih i kvalitetnih javnih usluga** kroz partnerstva, što može da obuhvati aktivnosti na jačanju kapaciteta, regulatorna i proceduralna poboljšanja, digitalizaciju, izgradnju ili unapređenje digitalne infrastrukture, i sl.
- **Omogućavanje inicijativa održivog razvoja kroz partnerstvo s privatnim sektorom i civilnim društvom, s ciljem poboljšanja podsticajnog poslovnog okruženja** što, između ostalog, može da obuhvati podršku pribavljanju ili produženju sertifikata o povoljnom poslovnom okruženju (BFC eng. Business Friendly Certificate), podršku u privlačenju projekata kapitalnog ulaganja, uvezivanje raspoloživih domaćih i međunarodnih sredstava za finansiranje i razvoj, uključujući i sredstva iz dijaspore, privatnog sektora, donatora, privatnih kreditora, i sl., uvođenje konkretnih poboljšanja za uspješan lokalni ekonomski razvoj (LER) i lokalne ekonomske savjete (LES), sprovođenje kvalitetnih analiza, kao i uspostavljanje dijaloga između javnog i privatnog sektora.
- **Unapređenje komunikacije jedinica lokalne samouprave i saradnje s lokalnim zajednicama i građanima, kao i osnaživanje građana i poslovnih subjekata** kako bi uticali na donošenje odluka i zahtjevali pozitivne promjene. To može da obuhvati rad s mjesnim zajednicama, uspostavu savjetodavnih odbora građana te uključivanje organizacija civilnog društva u cilju podrške inkluzivnijem razvoju i uspostavljanju, odnosno unapređenju mehanizama za učešće građana u pružanju lokalnih javnih usluga i eksternom nadzoru; uspostavljanje novih kanala za saradnju i komunikaciju s građanima; povećanje transparentnosti opštinskog djelovanja kroz izradu informativnih materijala prilagođenih građanima; opsežnije korišćenje društvenih medija, i sl.

Šta se očekuje od jedinica lokalne samouprave koje učestvuju u Projektu:

- spremnost da provode reforme/intervencije koje doprinose korjenitim promjenama i imaju snažan efekat,
- posvećenost otvorenom, transparentnom i odgovornom načinu rada,
- posvećenost participativnim, inkluzivnim procesima rada uz odgovarajuće poštovanje i obzir prema ugroženim zajednicama, manjinama, ženama i omladini,
- spremnost da podijele uspjeh i poučna iskustva s drugim organima JLS, i
- posvećenost efikasnoj, efektivnoj implementaciji, koordinaciji i izvještavanju, uključujući imenovanje kontakt osobe za LGAA.

Proces odabira:

LGAA će tokom svog trajanja raditi sa trideset (30) JLS odabranih putem konkursa u dva zasebna ciklusa. U okviru ovog Poziva na dostavljanje prijava će se odrediti prvih dvanaest (12) partnerskih JLS koje će početi raditi sa LGAA u 2023. godini.

Drugi ciklus konkursa, u kojem će se odrediti ostalih osamnaest (18) partnerskih JLS, će biti objavljen sredinom 2024. godine. Naša namjera je da odaberemo reprezentativnu grupu od 30 JLS iz cijele BiH, koje će učestvovati u aktivnostima LGAA tokom cijelog trajanja Projekta. Partnerske jedinice lokalne samouprave će biti odabrane u skladu sa sljedećim opštim kriterijumima:

- Regionalna raznovrsnost.
- Broj i sastav stanovništva.
- Vođstvo i želja da sprovedu korjenite promjene u vlastitim zajednicama te da drugim organima lokalnih uprava budu podsticaj za promjene.
- Broj potencijalnih korisnika programske pomoći i potencijalni društveno-ekonomski efekat (unaprijeđen kvalitet i obim usluga, osnažena lokalna privreda).
- Mogućnost povećanja prihoda, osiguranja neophodnog udjela u troškovima i podsticanja dodatnih resursa.
- Potencijal za sinergiju sa USAID-om i drugim donatorskim programima.
- Kapacitet za korišćenje tehničke pomoći za sprovođenje promjena u pružanju javnih usluga i upravljanje projektima lokalnog razvoja.
- Spremnost i potencijal za uspostavljanje partnerstva sa drugim organima JLS u cilju ostvarivanja međuopštinske saradnje za proširenje usluga, i potencijal da budu mentor/uzor drugim, manje razvijenim JLS.

Proces dostavljanja prijava će se odvijati u dvije faze. U ovoj fazi, jedinice lokalne samouprave koje su zainteresovane da budu uzete u razmatranje za učešće u projektu LGAA trebaju da ispune priloženi Obrazac za prijavu i dostave ga do 15. februara 2023. godine u 17:00 časova, zajedno s pratećim pismom u kojem ćete navesti razloge zbog kojih želite da budete dio programa te zašto smatrate da bi Vaš grad/opština trebali da učestvuju u Projektu.

Prpratno pismo treba da naslovite na LGAA, a treba da ga potpiše gradonačelnik/načelnik jedinice lokalne samouprave.

Prijave do navedenog roka treba da dostavite elektronskim putem na sljedeću adresu: ajla.mostarac@tetrattech.com Prijave koje ne budu dostavljene u navedenom roku neće biti uzete u razmatranje.

Projektni tim će razmotriti prijave koje stignu do navedenog roka i rangirati ih na osnovu utvrđenih kriterijuma. Nakon prvog pregleda prijava će biti sastavljena i uža lista od oko 20 do 25 JLS, radi daljnjeg razmatranja. LGAA će kontaktirati jedinice JLS koje budu odabrane za daljnje razmatranje, radi provođenja druge faze procesa koji će se sastojati od intervjua na licu mjesta, a koji će biti obavljeni u datom gradu/opštini u periodu od 27. februara do 15. marta 2023. godine, uz prisustvo ključnih predstavnika JLS (izabranih funkcionera i administrativnog osoblja). Nadalje, tokom tih posjeta, predstavnici LGAA će se sastati i sa predstavnicima civilnog društva i privatnog sektora u gradu/opštini, kako bi se procijenila i njihova spremnost i interes za učešće u Projektu.

U ovoj fazi, sve zainteresovane JLS se pozivaju da ispune priloženi upitnik za samoprocjenu te da ga dostave, zajedno sa propratnim pismom, na: ajla.mostarac@tetrattech.com Prijave moraju da budu napisane na jednom od službenih jezika u BiH i moraju da se dostave isključivo elektronskim putem.

Samo JLS koje su ušle u uži izbor će biti pozvane da učestvuju u drugoj fazi procesa. Sve JLS koje ne budu odabrane za učešće u ovom početnom krugu će biti pismeno obaviještene o statusu njihove prijave. Napominjemo da će konkurs za sljedeći ciklus odabira partnerskih JLS za projekat LGAA biti objavljen sredinom 2024. godine.

Konačan izbor za učešće u Projektu će biti obavljen nakon temeljitog pregleda informacija koje ste dostavili tj. prijavnog obrasca i propratnog pisma potpisanog od strane gradonačelnika/načelnika, relevantnih podataka treće strane, konsultacija s ključnim akterima, naknadnog intervjua s kandidovanim jedinicama lokalne samouprave sa uže liste, i razmatranja opštih ciljeva LGAA.

U slučaju bilo kakvih pitanja u pogledu ovog pisma i priloga, molimo Vas da kontaktirate Ajlu Mostarac a LGAA će, **u srijedu 8. februara 2023. godine u 13:00 časova**, održati informativni sastanak za zainteresovane JLS. Sastanku možete prisustvovati putem MS Teams linka niže:

Microsoft Teams meeting

Join on your computer, mobile app or room device

[Click here to join the meeting](#)

Meeting ID: 238 443 820 051

Passcode: M3isQS

[Download Teams](#) | [Join on the web](#)

[Learn More](#) | [Meeting options](#)

Vaše prijave očekujemo najkasnije do 15. februara 2023. godine.

S poštovanjem,



Levan Samadašvili

Direktor

Projekat pomoći lokalnoj upravi